


Program Virtual Summit Sekolah Penulisan Tesis

WAN ZUMUSNI WAN MUSTAPHA

Akademi Pengajian Bahasa, UiTM Kampus Seremban

Pihak INSPIWRITER ACADEMY VENTURES (IAV) telah mengadakan satu program yang dinamakan "Virtual Summit Sekolah Penulisan Tesis (VSSPT)". Program ini merupakan sebuah seminar penulisan tesis akademik secara atas talian berbentuk rakaman dan secara langsung yang pertama kali diusahakan secara bersepadu. Tujuan program ini ialah bagi membantu bakal dan para pelajar pascasiswazah mendapatkan maklumat yang strategik dan taktikal dalam dunia penulisan tesis terutamanya pelajar sains sosial di peringkat pengajian Master dan PhD di dalam dan luar Negara.

Seminar ini mengumpulkan input melalui para panel yang terdiri daripada pakar bidang akademik juga individu-individu yang sudi berkongsi ilmu, maklumat dan pengalaman dalam dunia akademik dan penulisan tesis. VSSPT akan dijalankan secara dalam talian (menggunakan Facebook Group Tertutup) dengan tayangan video berjadual daripada panel.



Terdapat lebih 30 topik telah diutarakan dengan lebih 25 panel yang terlibat yang disusun oleh pihak penganjur. Pihak panel pembentang hanya menyediakan teks dan video berdurasi 45 minit berdasarkan topik yang dicadangkan. Rakaman video boleh dihasilkan sama ada melalui inisiatif panel atau melalui rakaman pihak penganjur di studio dengan menggunakan Bahasa Melayu sebagai medium perantaraan.

Program bermula pada 12 December 2020 dan semua kuliah program secara dalam talian ini akan terus dibuka sehingga tempoh setahun. Antara panel dan tajuk kuliah yang disampaikan ialah "Graduate on Time (GOT) - Tips dan Teknik Tulis Tesis Cepat" (Dr Othman Talib, Universiti Putra Malaysia), Mencipta Rantaian Sukses Dengan Ilmu (Professor Datuk Dr. Noriah Mohd Ishak, Universiti Kebangsaan Malaysia), Pendakian Gunung PhD - Dugaan Tanpa Duga (Dr. Wan Zumusni Hj Wan Mustapha, UiTM Kampus Negeri Sembilan).

Panel-panel pembentang juga berpeluang untuk memperkenalkan modul, buku, program latihan atau sebarang acara melalui platform ini selama setahun kepada komuniti VSSPT. Selain kuliah, setiap malam para panel akan menjawab soalan secara langsung dan memilih pelajar bertuah untuk diberikan hadiah cabutan bertuah.